

Бирга тафаккур қилайлик! (иккинчи мақола)



09:10 / 30.09.2021 1509

Аввалги мақолада тафаккурнинг маъносини баён қилиб, тафаккур ҳақидаги оят ва уламоларнинг сўзларини келтирган эдик.

Қушбалиқ ёки учувчи балиқни эшитганмисиз?

Қушбалиқ балиқларнинг бир тури бўлиб, денгизда душмандан қочиш учун сувдан учиб чиқиб қочади. Бунда у думини сувда ўнг ва чапга тез ҳаракатлантиради. Бу ҳол унинг сувдан чиқиб кўтарилишига ёрдам беради. У ўртacha 1,5 метр баландликка кўтарилиб, соатига 30-40 км тезликда ҳавода тахминан 10 сония парвоз қиласди. У мана шундай парвозни олти-етти марта такрорлаб, душмандан 400 метрча масофага узоқлашади. **Субҳаналлоҳ!**

Сувдаги фарқ

Иккала идишдаги сув бир жойдан олинган. Лекин ўнг тарафдаги сув тиникроқ қўриняпти, тўғрими? Бунга сабаб - унинг ичидаги денгиз моллюскалари (чиғаноқлари) бор. Улар сувни тозалаш хусусиятига эга.

Субҳаналлоҳ!

Йўлбарс териси

Йўлбарс мўйнасидағи чизиқлар ов пайтида ўлжадан яшириниш (маскировка) учун муҳимдир. Мазкур қора чизиқлар қамишзор, ўт-ўланлар

орасида худди қамишнинг сояси каби кўриниб, йўлбарс борлиги унчалик сезилмаслигига хизмат қиласди.

Табиатда чизиқлари бир хил иккита йўлбарсни топиш имконсиз. Худди одам бармоқ излари каби улар ҳам бир-бирига ўхшамайди.

Ушбу чизиқлар фақат мўйнанинг ўзида бўлиб қолмай, балки теригача етиб борган. **Субҳаналлоҳ!**

Туя

Бошқа ҳайвонлар истеъмол қилганда зарар берадиган тиконли шоҳ, янтоқ ва ҳоказо нарсаларни тия истеъмол қилса ҳам лабига зарар етмайди.

Фақатгина араб туяси бир ўркачли бўлади. Осиё (Туркманистон, Ўзбекистон, Қозоғистон, Муғулистон каби давлатлар) туяси эса икки ўркачли бўлади.

Ўркач туянинг озуқа омбори бўлиб, шу ерга тўпланган ёғ ҳисобига тия узоқ муддат емак емай, сув ичмай юра олади. **Субҳаналлоҳ!**

Заҳарли лори

Ушба расмдаги ҳайвоннинг номи лори бўлиб, жануби шарқий Осиё, Бангладеш, Ҳиндистон, Филиппин ва бошқа давлатларда яшар экан.

Маълумотларга кўра, у заҳарли бўлиб, заҳар билакларида жойлашган безларда ишлаб чиқарилиб, сўлак билан аралашиб, душманидан ҳимояланиш, ўлжани қўлга киритиш учун уни тишлигандан заҳарлар экан.

Кўринишидан ювошга ўхшайди. Лекин айтишларича, агар у одамни тишиласа, инсон қисқа фурсатда ҳалок бўлиши мумкин экан. **Субҳаналлоҳ!**

Аллоҳ таолонинг яратган махлуқлари борасида тафаккур қилсак, Унинг қудратига, азаматига қойил қолиб, иймонимиз нури зиёда бўлади, ибодатга рағбатимиз ортади ва ибодатларимизни янада ихлос билан адо этадиган бўламиз.

Сўзимизни ушбу оят билан якунласак:

لَإِلَهٌ إِنْ يُمْلِأُ طَلَابَهُ وَنُودُ نَمَنِيْذَلَّلُ اَقْلَخَ اَذَامَ يَنْوَرَافَهُ لَهُ مِنْ يَبْعَدُ

“Бу Аллоҳнинг яратганидир. Қани, Менга кўрсатинг-чи, Ундан бошқалар нимани яратдилар. Йўқ! Золимлар очиқ-ойдин адашувдадирлар” (Луқмон сураси, 11-оят)

Аллоҳ таоло ҳаммамизга Ўзининг яратган махлуқлари борасида тафаккур қилиб, иймонимиз нури зиёда бўлишини насиб этсин, ҳаммамизни Ўзининг хидоятидан айирмасин ва хотимамизни чиройли қилсин!

Интернет маълумотлари асосида Нозимжон Ҳошимжон тайёрлади